



KOMUNIKADO PA PRENSA

Fecha

9 di sèptèmber 2014

Manager di Komunikashon

Jhanirha Da Costa Gomez- Anita

Adrès elektróniko

jhanirha.anita@gobiernu.cw

MINISTER BALBORDA A HASI APERTURA DI 5TH PAN AMERICAN AVIATION SAFETY SUMMIT

Willemstad – Minister di Tráfiko, Transporte i Planifikashon Urbano, Sr. Earl Balborda a hasi apertura ofisial awe mainta di e 5th Pan American Aviation Safety Summit.

E Grupo Regional di Seguridat Aéreo Panamericano (RASG-PA) den koperashon ku Organisashon Internashonal di Aviashon Sivil (ICAO) huntu ku ALTA (Asosiasion di Transporte Aéreo di Latino América i Karibe) ta tene e Kumbre di Seguridat Aéreo Panamericano tur aña.

E biaha aki Gobièrnu di Kòrsou den persona di minister Balborda tin e honor di ta e anfitrion di e aktividat. Ta trata aki di e evento mas grandi riba seguridat aéreo ku ta enfoká riba e region Pan Amerikano.

Akshonnan ku ta bai wòrdu palabra durante di e kumbre ta kontribuí na mehorá seguridat di aviashon den region di Merka, Karibe i Latino Amerika. Durante di e kumbre lo tin training, diskushon di pènel, i seminarionan dirigí riba strategianan pa atendé ku aspektonan di seguridat den e region Pan Amerikano. Tambe lo tin oportunitat pa alto ehekutivonan den e mundu di aviashon kompartí i interkambiá di konosementu i eksperensia ku otro.

Un otro punto positivo pa Kòrsou ta ku banda di tur e instansianan i organisashonnan internashonal di aviashon, tin tambe diferente kompania di aviashon ku ta presente manera entre otro Aerolíneas Argentinas, AeroMexico, Austral, Avianca, Cayman Airways, Copa Airlines, Fly Montserrat, GOL, Inselair, JetBlue, LAN, TAM, Liat, Sky Airline, Southwest, Tame, i Volaris.

Tambe tin representantenan di aeropuertonan den region, representante nan di outoridat di aviashon di region, representante nan di Federal Aviation Administration (FAA), IATA, Direktor Regional i Sekretario General di e Organisashon Internashonal di Aviashon Sivil (ICAO), i representantenan di fábrikanan di avion manera BOEING, AIRBUS i EMBRAER.

E kumbre aki ta parti di e esfuersonan di Minister Balborda i su tim pa mehorá seguridat di aviashon na Kòrsou i promové nos pais den e mundu di Transporte Aéreo Internashonal. Esaki sigur lo tin un impakto positivo pa nos mundu di aviashon, i di e forma aki nos ta demostrá tambe kon komprometé nos ta pa mehorá e nivel di nos aviashon.